

丹陽縣志補遺卷之十三

隱逸

宋洪秉鈞字公衡四舉於鄉不仕號真隱先生有詩集  
元宦榮祖號輝堂宣和殿直學士後因世亂隱居嘉山

詩酒自娛屢召不起

以上見  
乾隆志

附考證

唐周惟長號橫山處士李白有詩贈之云云

考太平府  
志丹陽湖

在府城東南李白有丹陽湖詩列姑孰十詠中  
姑孰卽今之太平橫山亦在其地非我邑也

方技

明

朱謙善畫嗜飲乞者必酌以酒與酣落筆時有酒糊塗之目行人湯禮敬跋其畫云何期落筆雲煙起酷似當年果老圖

朱昌緒字慎庵受業於睦東蓀工草書與東蓀子嵩年齊名

清

張仲馨精相地雲間蔣大鴻著地理辨正世所稱蔣盤者也其自序曰丹陽張孝廉仲馨昔以文行相師因得略聞梗概其推重如此

丹陽縣志補遺

卷之十三

方技

二

朱圻少從外祖張鼎學易盡窺秘奧補邑庠占事多奇中一日占雨遇觀之否曰日午有風自東南來雨未久卽止日向午天晴無雲眾訝之圻曰坤地也地上加巽巽風也巽屬東南非東南風而何由四而變四山也山有材而土培其根乾上坤下是爲物各得所非雨而何巽變爲乾居地之上聲斂而光照非卽止而何其言果驗所解易多此類著易理存參皇極解大六壬心法

林萬容字默庵工醫傳子思誠名重一時句容筮重光

贈萬容詩云隱可懸壺隨地住功同煉石補天成  
張萊娛佚其名張大令鈞鼈弟也精風鑑善歌見西清散紀  
姜天成字凌煙庠生善鼓琴工書畫篆刻與荆凌雲珽  
均知名

丁廷傑字復陽精青鳥術得嚴陵張九儀秘授每謂地  
猶舟也德猶水也無水則舟將不行識者歎爲知言  
丁晞字仲霖善寫真嘗貌楊憲章傅疇五又繪蔣徵川  
點易圖楊實君放鶴圖相國劉綸題詠激賞其詩云  
丹陽丁子工寫真又云扶服再踵門揣摩出深造須  
臾初脫稿足踊膺屢標又云突逢令威憐我瘦謂我

丹陽縣志補遺

卷之十三

方技

三

急景須留痕又云願從令威長學道遼東仙種行可  
求蓋傾挹晞技甚至

酈明嶼號鳧山工畫性好游客句曲裴氏爲洪亮吉寫  
零溪一曲圖亮吉紀之以詩

吉世珍字澹松精六壬著六壬彙選望江檀萃題詩云  
大厯才子吉中孚筆參造化探元珠袖中一卷金鏡  
書英光照燭通天衢

賀天鈞字子衡性介如石故又號石安耽書沈隱樓居  
列晉唐法帖不厭臨撫下筆絕俗得鍾王法同時王  
澍蔣衡笈重光周東會推重之

朱用贊字近泉庠生精奕嘗客居象山夜步江岸見片舟出蘆荻中一叟曳杖招之登指謂曰好奕乎相與往復論辨俱出意表更闌別去舟倏忽不見用贊由是技大進著奕譜宣城湯睡庵序

張中侃字玉泉草書有盛名時人目爲張旭蘇慎齋制軍推爲江南第一丹徒趙小坡增詩云只愁雷雨至化作蛟龍去年九十餘卒

丁雨辰工書畫傳真尤妙肖子俟俟孫新如曾孫鶴洲皆以善畫稱鶴洲前志有傳

周佩蓮字藕峰歲貢生性嗜翰墨從張默庵游書法神

丹陽縣志補遺

卷之十三

方技

四

似米趙有得其片楮者珍如拱璧

郝仁字樂山工詩畫善劇曲亂頭粗服時稱郝瘋子值酒必醉醉則歌所作詩索紙繪畫凡山水竹石翎毛花卉靡不工人物尤神肖無迹同時有馬懷珍者亦長劇曲與仁善庚申城陷仁率懷珍赴酒肆賊虜至兩人且飲且罵同被害

丹陽縣志補遺卷之十三終